

Urkha ta Alaha





**ALAHA BRELË BRITHA
W KUL MËNDANË D IBAY KHAYË**

**B sharetha Alaha brelë ar'a
w shmayya.**

Britha 1:1

**Bgaweh pëshlë bërya kul mëndi b ar'a
w bë shmayya.**

Qolosayë 1:16

**Marya mbarëkh bgawokhu, awa
dë 'wëdhlë ar'a w shmayya.
Shmayyatha kullay d Marya ilay,
w ar'a këm hewëlla ta bnenasha.**

Mazmora 115:15,16

**Ar'a la ëthwaba 'eba kud këm hewëlla
Alaha ta barnasha. Qrila 'adhi kthota
tad yedhët maha brelë.**

ALAHA KËM BARELAN



**Alaha merë , "Shud 'odhukh barnasha
I salman w surtan w d hewukhlë
shultana... I kulla ar'a...." Britha 1:26**

BARNASHA PËSHLË GYANA BIKHAYË

**W Marya Alaha gwëllë l barnasha mën
'upra w npëkhlë bgaweh npakhta
d khayë w pëshlë barnasha gyana
bikhayë.**

Britha 2:7

**W merë Marya Alaha, "Lelë randa
d payësh Adam Ikhodheh. Bëd 'odhën
taleh !ayana khwatheh." W Marya
Alaha shwëqlë l Adam d damëkh
dmakhta !amuqta w t welë, w shqëllë
khdha mën ël'atheh w këm qarëmla
e duktha b pësra. Bathër dëkh mën
d e ël'a Alaha 'wëdhëlë bakhta w këm
maqrula ta gora.**

Britha 2:18, 21-22

ADAM W HAWA !SELAY L ALAH



**Klazma d la sham'ukh
l Satana chu gaha.**

**W Marya Alaha këm shaqëllë Adam
w këm darelë b pardesa d !Addan tad
palëkhla w naṭera. W pqëdhlë Marya
Alaha l Adam w merë ṭaleh: "Ibukh
d akhlët mën kullay hilanë d pardesa
d !Addan, ëlla la akhlët mën pera
d hilana d idha!tha d ṭota w bështa,
w b yoma d akhlët mënneh mħaqqa
bëd methët."**

Britha 2:15-17

**W khuwa d kqarelë Saṭana bisha, mdugëllë
w zrelë shukkak b shultana d Alaha.**

**W merë khuwa ta bakhta: "La kmethat
myatha mħaqqa." Kud khzela bakhta
d ilë hilana mar ṭem'a w mshahyana ta
'enë, w k-hewël hëkhëmtha, shqëlla mën
pera w khëlla, w hewëlla ham ta gora w
ham awu khëllë.**

Britha 3:4,6

**ADAM W ḤAWA LAPPËSH
LEWABAY D PESHIWA B PARDESA
D !ADDAN**



**W Marya Alaha këm palëtlë Adam mën
pardesa d !Addan, tad khapër w palëkh
ar'a d pëshlë 'widha mënnah, w drelë
tama kha malakha tad natër 'urkha ta
hilana d khayë.**

Britha 3:23,24

KHA YOMA ḤASHSHA WEWA TA BARNASHUTHA KUD ḤTELAY ADAM W ḤAWA



B kha barnasha 'wera khtitha l !alma, w bë khtitha 'werë motha, w hadakh prëslë motha b nulla barnashutha. Romayë 5:12

MËNDI TA TKHARA

Kullan k-hawukh w èmman khtitha. Kha yoma bëd methukh med motha thelë b khtitha.

(Qrila Romayë 5:12 gaha khërta)

DABARTA D ALAHA WAWA DË MSHADËR BRONEH !AZIZA



Bëd mahuya bronaw bëd qarëttë shëmmeh Isho!, med awu bëd mkhalës l !amma diyeh mën khëtiyatha diyay.

Mattay 1:21

Tad lawëshwa Bër d Alaha barnashutha, klazma d hawewa khdegëd yala zora.

Kulla kamilutha d Alaha ksharya b Isho! Mshiha b barnashutheh."

Qolosayë 2:9

**ISHO! ILË ALAHA
B DUMYA D BARNASHA**

**Tanetha wewa mën sharetha, w tanetha
wewa èmmëd Alaha, w tanetha wewa
Alaha. Tanetha pëshlë paghra w shrelë
benathan.**

Yohannan 1:1,14

**W nulla adhi brelë tad kamël mëndi
d mërwalë Marya bë nwiya:
"Btholta bëd batna w bëd
mahuya Brona, w bëd qaralë shëmmeh
!Ammanuel," d ilë pushaqeh: "Alaha
ëmman."**

Mattay 1:23,24

**Talan yala pëshlë huya, talan brona
pëshlë hwila, w hukma bëd hawë I rusheh,
w shëmmeh bëd payësh qërya M!ajbana,
Mbasmana, Alaha Gabbara, Baba
Abadinaya w Malka dë Shlama.**

Esha!ya 9:6

ISHO! MSHIHA DEWHA DIYAN KMILA

...Awa d lelē hëtya chu gaha....

2 Qorenthayë 5:21

O d la 'wëdhle khtitha....

1 Patros 2:22



La hwellebë barnasha
d 'awëdhwa khedha
dëwëhtha kmëlta tad
par'awa khtitha.

La kbarë l khtitha
d pesha preta
b dëmma d gëdyë
w torë.

!Ebrayë 10:4

**Isho! ilë Para (Barkha) d Alaha. Adhi ilë
Para d Alaha, dë kta'ën khtitha
d !alma.**

Yohannan 1:29

ISHO! HWËLLË KHAYEH TAD MKHALËSLAN

Isho! wewa mbusëmra l ʂliwa mën sënyutha w bishutha d nashë mar lëbba qëshya. Ham motgeh wewa mën dabarta d Alaha. Isho! b kul !ëjboneh w azutheh hwëllë khayeh ta motha ta dë mkhalës ana w ayët mën khtiyathan.

Isho! merë: "Leth nasha d shaqël khayi mënni, ana k-hewënnay mën gyani. Ibi d k-hewënnay, w ibi d shaqlënnay gaha khërta."

Yohannan 10:18

Iwukh khlişë b Dëmma d Para d Alaha

Lewotun khlişë b mëndanë ar'anayë dë kfanay, khdegëd dehwa w sema, ëlla pëshlokhun zwinë b dëmma dë Mshiha mar ȑima, d pëshlë nkhira khdegëd Para dla eba w dla muma.

1 Patros 1:18,19

LETH DEWHË KHËNNË D IBAY D PAR'I KHTITHA.

**Kullan pëshlan mqudshë b khdha dëwëhtha
d paghra d Maran Isho! Mshiha.** !Ebrayë 10:10

**Dëkh d pëshlan mzukyë b dëmmeh, hadakh
bëd hawukh khlişë mën hëmtha d Alaha
b Isho!.**

Romayë 5:9

"Mari tkhori
iman d athët
l Malkuthukh."




**Kamrën
ṭalukh,
"Ëdyu bëd
hawët èmmi
b Pardesa."**

Luqa 23:43



**Adhi
mashëlkhana
mhimënnë
b Isho! w khlëşlë.**



**Adhi mashëlkhana
la mhimënnë
b Isho! w la
khlëşlë.**

**Maqa d wukhwa hëttayë, Mshiha mëthlë
mbadalan.**

Romayë 5:8

**KUL AWA DË MHEMËN BË BRONA
D ALAHA BËD HAWELË KHAYË**

**Hadakh b'elë Alaha l !alma wël
dë hwëllë Broneh ihidhaya,
d kul man dë mhemën bgaweh
la k-halëk, ëlla bëd hawelë
khayë dël abad.**

Yohannan 3:16

**Këm khalëşlan mën shultana d khëshka
w bisha w këm mathelan l malkutha
dë Broneh Aziza, Awa dë bgaweh
ëttan khalaş b dëmmeh w shuqana
dë khtiyatha. Qolosayë 1:13,14**

ISHO! QËMLË



**Merë malakha, "La zad'utun, kidhën
d iwotun bëjyala l Isho!, o dë pëshlë
sliwa. Qëmlë, lelë akha, dëkh dë merë.
Hayo khzo eka wewa dërya."**

Mattay 28:5,6

**ISHO! QËMLË MËN
BENATH MITHË**

**Ana iwën awa d wewa mitha, iwën bikhayë,
khzo pëshli bikhayë wël abad, Amen.**

W b idhi lay qdhilë d shyl w mothä.

Gëlyana 1:18

Med iwën bikhayë, ham akhtun bëd

khayotun.

Yohannan 14:19

Klazma d la zadukh mën mothä, med Mshiha
këm tawerë ta mothä, w këm shaqëllay qdhileh.

Ën zad'ën, btaklën ëllukh.

Mazmora 56:3

ISHO! IBË DË MKHALËSLUKH.

**Isho! ilë bikhayë wël abad, w mën hadakh
b dayëmutha ibë dë mkhalëş kul anay
d athay l gebëd Alaha b Isho!, med ilë
bikhayë w bëtlaba ፩talay.**

!Ebrayë 7:24,25

ANA W AYËT IBAN D HAWELAN KHAYË ABADINAYË



**B ema
'urkha iwët
bërkhasha?**

**Isho! Mshiha ilë 'urkha ta khayë
abadinayë ëmmëd Alaha.**

**Satana bisha ilë 'urkha ta mothä
abadinaya.**

Mgabi 'urkha ɻota ta khayë abadinayë.

EMA URKHA BËD MGABËT?

**Mgabo ta gyanokhu b adhi yoma
o d kibotu dë khadmutulë.**

Isho! Bar Nun 24:15

**Badam mgabo w shqulu khayë, ta
gyanokhun w ta yalë d yalokhun tad
khayotun.**

Tnin Namosa 30:19

ISHO! ILË URKHA TA KHAYË ABADINAYË.

**Leth khalaş b chu nasha khënna, med leth
shëmma khënna khotħed shmayya hwila ta
bnenasha dë bgaweh peshukh khliṣę.**

Praksës dë Shliħe 4:12

**Ana iwën Marya Alaha w shwoq mënni
leth mkhalsana khënna.** Esha'ya 43:11

QAY KLAZMA D TAB'UKH ISHO! ËN BA'UKH KHAYË ABADINAYË?

1. Med o dë thelë Mshiha wewa.

Isho! merë, "Ana theli tad hawelay khayë." Yohannan 10:10

2. Med Mshiha wewa awa dë këm ba'elan w mëthlë talan.



**Bër d Alaha këm
ba'eli w hwëllë
gyaneh mbadali.**

Galaṭayë 2:20

Isho! pëshlë
barnasha, pësra w
dëmma khwathan.

**Bë myathteh këm tawerë ta Saṭana bisha,
d ëthwalë shultana d mothä b idheh.
Isho! bëd sharë kullay anay d wawa 'odë
b khayay mën zdothay mën mothä.**

!Ebrayë 2:14,15

*3. Med bas Dëmma dë Mshiha l lkhodheh
ilë darmana d parëshlan mën khtiyathan.*

**Dëmma bëlkhodheh k-hewël shuqana
ta gyana.** Kahnë 17:11

**Dëmma d Isho! Mshiha Broneh këm
khallëllan mën kul khtiyathan.**

1 Yohannan 1:7

**B dëmma d Isho! ëttan khalas w shuqana
ta khtiyathan.** Qolosayë 1:14



4. *Med awa d qëmlë
mën benath mithë
Mshiha ilë.*

**Dëkh dë kidhukh
Mshiha qëmlë mën
benath mithë, w mën
hadakh lappësh
kmayëth gaha khërtä,
w motha lattë ëlleh
shultana.**

Romayë 6:9

**Mëthlë mbadal kulkan, w mën hadakh
klazma l kul anay d ilay bikhayë shud
khayay la ta gyanay, ëlla ta awa dë mëthlë
mbadalay w qëmlë ga khërtä.**

2 Qorenthayë 5:15

**Isho! merë, "Med iwën bikhayë ham
akhtun bëd khayotun."** Yohannan 14:19

5. *Med klazma d hawelan Ruḥa dë Mshiḥa
bgawan tad qemukh mën benath mithë
ta khayë abadinayë.*

**Mshiha ilë bikhayë bgawokhun, awu lë
ëmud dë msharkutun b shuheh.**

Qolosayë 1:27

Ën ilë Ruha d awa dë këm maqëmlë ta Isho! mën mothä shërya bgawukh, har awu bëd hewël khayë ta paghrukha mhila w 'uprana b khela d Ruheh.

Romayë 8:11

MHAQQA ËN ILË RUHA DË MSHIHA BIKHAYË BGAWUKH?

**Kul mani d lattë Ruḥa dë Mshiḥa la
ktabe'lë Mshiḥa.** Romayë 8:9

DËKH IBUKH D QANËT KHAYË ABADINAYË

Khzi patha d 24 wël patha d 29.



**Ham yala zora ibukh dë yedhëttë mën
!wadheh.**

Mathlë 20:11

Ana kidhën d Isho! kibeli, med hadakh ilë
kthiwa bë Kthawa Qaddisha.

ISHO! KIBELAY KULLAY YALË ZORË

**Isho! këm qarelay l gebeh w merë,
"Shwuqu yalë zorë d athay l gebi w la
'arutulay, med ta mëkh d ani ila
Malkutha d Alaha."**

Luqa 18:16

**Lelë b !ëjbona d Babokhun d ilë
bë shmayya d halëk ham kha mën
d ani zorë.**

Mattay 18:14

*Man d iwët w eka dë k-hawët, Isho! har
kibelukh w mëthlë mbadalukh. Isho! kibë
mënnukh d makhzët hubbukh taleh. Ibukh
dë mbenëttë taleh ën sham'ët ëlleh.*

Ën kibotuli, nturu puqdanë diyi.

Yohannan 14:15

DËKH IBUKH D ATHËT W QARWËT L ALAHA

*1. Imur ta Alaha d iwt hëttaya.
(dë twerukh puqdaneh).*

**Kullan htelan w pëshlan prishë mën
shuha d Alaha.** Romayë 3:23

2. Qru l gebëd Alaha b Iso! Mshihha.

**Kha Alaha ith Ikhodheh w kha
Mës!aya benath Alaha w bnenasha,
d ilë Maran Isho! Mshiha.**

1 Timatheos 2:5

**Isho! ibë dë mkhalës kul awa d athë
I gebëd Alaha bgaweh.** !Ebrayë 7:25

Isho! merë, "O dathë I gebi
la ktalqënnë barayë."

Yohannan 6:37

3. *Tyu mën khtiyathukh.*

(*Tyawa = btlala mën 'urkha dë khtitha
w rkhasha b 'urkha khathta*)

Tyuwu w d'uru

I Alaha w awu

bëd shawëq

talokhun khtiyatha

diyokhun.

Praksës dë Shlihë 3:19

En qerukh bë
khtiyathan,
Alaha amin ilë
w kena, bëd
shawëq
khtiyathan.

1 Yohannan 1:9



**Msayëbranutha d Marya ëmman ila
yarékhta, med lakké ham kha mënnan
d halék, ëlla kulkan d qarwukh I gebeh
bë tyawutha.**

2 Patros 3:9

4. *Qor bë khtiyathukh ta Isho!*

(*Qyara = modoyë ta Alaha*)

*Kthulay b an rezë tanayatha d këm
qarëttay: 1 Yohannan 1:9, (b patha d 25)*

.....
.....
.....
.....
.....


*5. Mbatellay khtiyathukh.
(dë mbatlëttay = d la da'rët ëllay ga khërtä)*

**Kul man dë mkasë khtiyatheh,
betheh la k!tamër, w kul awa d qayër
bë khtiyatheh, w 'awër mënnay, bëd
khazë rahmë mën Alaha.**

Mathlë 28:13

Rhoq mën bështa w 'wodh tota.

Mazmora 37:27



6. *Mhemën b Isho! Mshiha.*

**Ën qerët b kömmukh
d *Isho!* ilë Marya, w
mhayëmnët b lëbbukh
d Alaha këm maqëmlë
mën benath mithë,
bëd khalşët.**

Romayë 10:9

**Pëshlokhun mkhulşë b na!më d Alaha
b hemananutha diyokhun, w lela
mënnokhun, ëlla ila khleta mën Alaha,
la bë wadhë, d la nasha shaqël shuhara.**

Apëssayë 2:8,9

**Mhemën b Maran *Isho!* Mshiha, ayët w
bethukh kullokhun, d khalşutun.**

Praksës dë Shlihë 16:32

7. Qbol Maran Isho! Mshiḥa d 'awér l läbbukh w khayukh.

Pthokh läbbukh ta Isho! w !zomlë dë 'awér
l khayukh.



Isho! merë:
**Iwën qima l ṭar'a
w bëtrapä. Kul mani
d shame' qali
w pathëkh ṭar'eh ṭali,
bëd 'orën l khayeh,
w bëd akhlën èmmeh
w awu èmme.**

Gelyana 3:20

**Kul anay d këm qablilë, anay dë mhimënnay
b shëmmeh, këm hewëllay d haway yalë
d Alaha.**

Yohannan 1:12

SLOTHA KRITHA

Ën kibët d talbët mën Maran Isho! Mshiha d 'awër
l khayukh, msali adhi slotha kritha:



Mari Isho! Mshiha,

Kshakrënnukh
d mëthlukh l qliwa ta
khalas diyi. Htel, w la
'arët ëlli l kul mëndanë
dë 'wëdhli w qëmli
darqul diyukh. Ktalbën
mënnukh d athët
l khayi w 'orët l lëbbi w
d peshët wël abad.
Iwëñ tkila ëllukh
daha dë mkhallëttë
lëbbi.

**Kqablënnukh d hawët Marya w Mkhalsana tali.
Ktalbën w këmsalëñ b shëmmukh, Amen.**

**ËN ILË ISHO! B LËBBUKH,
ËTTUKH KHAYË ABADINAYË**

**Alaha këm hewëllan khayë abadinayë, w
an khayë ilay bë Broneh. Kul mani d ettë
Brona d Alaha, ettë khayë.**

1 Yohannan 5:11,12

**Kul mani d shame' tanayathi, w mhemën
b awa dë këm shaderi, ettë khayë dël abad,
w l dina la kathë, ella mshunelë mën motha
l khayë.** Yohannan 5:24

Iman d mayëth paghrukh, bëd peshët èmmëd
Maran. (Qri 2 Qorenthayë 5:8)

**Mshiha ilë bikhayë bgawokhun, Awu ilë
ëmud dë msharkutun b shuhëh.**

Qolosayë 1:27

**Ën tlëblukh mën Isho! d shawëq talukh
khtiyathukh w mhimënnukh d hawë Mkhalsana
talukh, kthulë shëmmukh akha l tekh.**

.....

DËKH IBUKH D TAB'ËT ISHO!



Qri pasoqë mën Kthawa Qaddisha (Tanetha d Alaha) kud yum kud yum w iloplay mën lëbbukh, w ani bëd enilukh. (Kabira mënnay ilay kthiwë b adhi kthawona.)

**Kol mëndi d ilë kthiwa bë Kthawa Qaddisha
ilë kthiwa b Ruha d Alaha bë gyaneh, w ilë
tawa ta yulpana d hemanuthukh, w ta
'adolë, w lë mşalohë pëlmutha, w ta
dabarta d kenutha.**

2 Timatheos 3:16

MAHKI ËMMËD ISHO! BË SLOTHA B KUL !ËDDANA

Shkor Isho! I kul mëndanë ɻawë b khayukh.
Myaquerë w ma- shëmmeh I kul mëndanë
dë 'wëdhle ɻalukh w ta khalaş diyukh. **Tlob**
mënneh I kul mëndi dë ksanqët. **Msalila**
slothukh b shëmma d Isho!.



**Kul mëndi d ɻalbukh
mënneh bëd hewëllan
en ɻalbukhlë mëkh
!ëjboneh.**

1 Yohannan 5:14

**Kul mëndi d ɻalbët mën
Babi b shëmmi, bëd
hewëllukh.**

Yohannan 16:23

Msalo kha ta khënnä.

Ya- qu 5:16

**Msalo mbadal anay dë kleñilokhun w
këmhajëhjilokhun.**

Mattay 5:44

**ŞLOTHA DË MULËPLË ISHO!
TA TALMIDHË DIYEH**

(Talmidha = ilë kul nasha dë ktabe' l Isho!)

Isho! mulëplë talmidheh dë mşalay hadakh:

**Baban d ilë bë shmayya,
payësh mqudsha shëmmukh,
athya malkuthukh.**

**Hawë !ëjbonukh, dëkh d ilë bë shmayya,
hadakh ham b ar'a.**

Hallan lëkhma sunqana d ëdyu.

**Shwoq ፩alan gnahan w khṭiyathan,
dëkh d ham akhni shwëqlan ta anay
dë mtu!delay ëllan.**

**W la mabirëttan l juraba, ëlla
mkhalëşlan mën bisha.**

**Msabab diyukh ila malkutha w khela
w tëshbohta l !alam !almin, Amen.**

Mattay 6:6-13

**ËSRA PUQDANË D ALAHA KMALPILAN
MAHA KLAZMA D 'ODHUKH
W DËKH KHAYUKH**
(Mapqana 20)

*Arba puqdanë qamayë ilay bahas
hubban ta Alaha.*

- 1. La hawelukh Alaha khënna gher mënni.**
- 2. La 'odhët ta gyanukh şanamë, w la
mëndanë nqirë khwathay... La kepët
w mshabhët ṭalay, w la khadmëttay.**
- 3. La yamët b shëmma d Marya Alaha
diyukh b baṭilutha.**
- 4. Tkhor yoma d Shabtha w nṭorë.**

*W an ështa kharayë ilay bahas hubban ta kha
khënna:*

ËSRA PUQDANË (tamamëtta)

- 5. Myaqër babukh w yëmmukh.**
- 6. La qatlët.**
- 7. La zanët.**
- 8. La ganwët.**
- 9. La sahdhët sahdhutha d dugla.**
- 10. La mshahët bakhta d qariwukh
...w mal diyeh.**

**ËN SHAM'UKH TANETHA
D ALAHA, BËD MATAY SLAWATHAN**

**Kul mëndi d talbukh bëd hewëllan
medë k'arukhlay puqdaneh w k'odhukh
mëndanë dë kmapëşkhilë.**

1 Yohannan 3:22

TRE PUQDANË RABË

HUBBA TA ALAHA

1. Këm jawëblë Isho! w merë: d ba'ët Marya Alaha diyukh mën kullë lëbbukh, w mën nulla gyanukh, w mën kullë khelukh, w mën kullë honukh. Adhi lë puqdana raba w qamaya.

Mattay 22:37,38

HUBBA TA BARNASHA

2. W o dë tre ilë: d ba'ët qariwukh mëkh gyanukh.

Mattay 22:39



Êsrathnay puqdanë d Alaha (patha d 34,35) ilay b an tre puqdanë rabë.

**HUBBA ILË BËSH RABA
MËN KUL MËNDI**

(1 Qorënthayë 13:1-8, 13)

¹En b kullay lëshanë dë bnenasha w malakhë maḥkën w hubba la hawebi, bëd hawën mëkh shaba d këmzamzëm ya snujë d këmzangër. **²**W en haweli khleta dë nwiyutha, w en yedhën kullay mëndanë tëshyë w kulla idha!tha, w en haweli kulla hemanutha wël d ibi dë mshanën ṭurë, w hubba la hawebi, lewën mëndi. **³**W en hewën kul mëndi d etti ta mëskenë, w en msalmën paghri d payësh muqdhà, w hubba la hawebi, mëndi la kqanën. **⁴**T'ana d hubba yarikha ilë; hubba këmrahëm; hubba la k-ḥasëm; hubba la kshaqël ramutha w la kma!lë gyaneh.

5Hubba la k'awëdh nëkhpa, w la kjayël
l mëndi dë gyaneh, w la kjagër qalula,
w la këmtakhmël b bështa. **6**Hubba la
kpaşëkh b pëlmutha ëlla kpaşëkh
b haqqutha. **7**L kul mëndi këmsebër,
l kul mëndi këmhemën, l kul mëndi
ksapër, w l kul mëndi kta'ën. **8**Hubba
har la knapël. Nwiyawatha bëd batli,
w lëshanë bëd shatqi, w idha!tha bëd
batla.


13Badam ani ilay tlatha mëndanë
dë kthabti: Hemanutha w Ëmud
w Hubba, w o raba diyay ilë Hubba.

ALAHA ILË HUBBA

Alaha hubba ilë. Kul mani d thabët
b hubba bëd thabët b Alaha w Alaha
bgaweh.

1 Yohannan 4:16

ISHO! KIBELUKH DË MBASHRËT BGAWEH TA KHËNNË



Isho! merë, "Si l bethukh w l gebëd nashwathukh, w imur ፩alay kul mëndanë ፩awë dë 'wëdhłë ፩alukh Marya, w dëkh hënnë w mruhëmlë ëllukh."

Marqus 5:19

**DËKH BËD YEDHUKH EMA LË
YALA D ALAHA MHAQQQA**

Mën peray bëd yedhutulay. Mattay 7:20

**Perë d Ruha d Qudsha ani lay: Hubba,
rwaza, shlama, msayëbranutha, haninutha,
tawutha, aminutha, makkikhutha w 'raya
dë gyana.** Galatayë 5:22,23

**YALA D ALAHA HAQQANI
KSHAWËQ TA KHËNNË**

**Ën shwëqloku ta khënnë gnahë diyay,
ham Babokhun bë shmayya bëd shawëq
talokhun.** Mattay 6:14

**7 MËNDANË D LAKBELAY ALAHA
Khyarta ramanitha, lëshana mdaglana,
idatha dë kshapkhi dëmma zakkaya, lëbba
dë këmtakhmël b mëndanë plimë, aqlatha
dë k'arqi l 'urkha bështa, sahdhutha
d dugla, w manpolë khënnë bëghdhadhë.**

Mathlë 6:17-19

SHAHWATHA D PAGHRA

**Znaya, sghadha ta ḡanamë, harrashutha,
sënyutha, hëmtha, ḡsama, sharrë, qṭala,
shtaya w rwaya. Anay dë k'odhi mëndanë
mëkh ani, la kyarthila malkutha d Alaha.**

Galatayë 5:19-21

La zannayë,...la ganawë...w la ḡasamë....

1 Qorenthayë 6:9-10


**SHWOQLË ISHO! D MALELUKH MËN
RUHEH QADDISHA W MKHALLËLLUKH**

**Hadakh wawa khakma mënnekun
b qametha, bas pëshlokhun mkhullë
w mqudshë b shëmma d Maran Isho!
Mshiha w b Ruḥa d Alaha.**

1 Qorenthayë 6:11

MHQQA ITH GIHANA

(Qri Luqa 16:19-26)



Tkol l Isho! mhäqqa. Awu bëd kathulë shëmmukh bë kthawa d khayë.

**Kul mani d la payësh khëzya shëmmeh
kthiwa bë kthawa d khayë, bëd payësh
tliqa b yama d nura.**

Gelyana 20:15

BAS ISHO! ILË LKHODHEH 'URKHA TA ALAHA

**Alaha k m hew llan khay  abadinay , w an
khay  ilay b Broneh.** 1 Yohannan 5:11

1 Yohannan 5:11

**Pér'ona dë khṭitha ilë motha, ëlla khleta
d Alaha ila khayë abadinayë b Maran Isho!
Mshiha.** Romayë 6:23

Romayë 6:23

**Kul mani dë mhemën bë Brona ettë
khayë dël abad, w mani d la mhemën
b Brona la k-khazë khayë, ella hëmtha
d Alaha bëd nakhëth ëlleh.** Yohannan 3:36

Yohannan 3:36

**Merē ተለክ ፈሮ!, "Ana iwën 'urkha
w ክፍቅር የዕድል የሚከተሉት ነው፡፡**

Yohannan 14:6

MHQQA ITH MALKUTHA DË SHMAYYA

B hëzwa d Gelyana, qepaliyon 21, Yohannan khzelë ar'a khathta w shmayya khathta.

Alaha bëd mashë dëm'ë mën 'enay w lappësh hawë la mothä w la hashsha, la bëkhya w la mar'a, med mëndanë qamayë bëd khalşı w bëd fanay. Bathër dëkh o d wewa tiwa l !arsha (kursi) merë, "Khzo iwën bë'wadha kullay mëndanë khatħe." Gelyana 21:4,5



Yohannan ham khzelë
mdhita qaddështa,
Orëshlem khathta,
bënkhatha 1 tekh.

**Mdhita wawa 'wëdhta mën dehwa khalës,
khdegëd qundela sëpya, w asas d gudanah
msuqlë b kepë mar ḥima.** Gelyana 21:18,19

**ISHO! ZËLLË TAD MAHDHËR DUKA
TA KUL ANAY DË MHAYËMNI BGAWEH**

**La shaghësh lëbbokhun. Këm
hayëmnutun b Alaha, mhayëmnu ham
bgawi. Kabirë ilay manzalë b betha
d Babi. Bëd amrënwalokhun ën la
hoyawa hadakh. Bëd zali mahëdhrën
talokhun duka. W ën zëlli w muhëdheri,
bëd da'rën ëllokhan w bëd
shaqlënnokhun ëmmi, ta eka d hawën
ana, ham akhtun bëd hawotun.**

Yohannan 14:1-3

**MBASHËR B ADHI BASHARA TOTA
TA KHËNNË.**

**Isho! merë, "So l !alma kullë w makërzu
Engaliyon ta britha nulla." Marqus 16:15**

WA!DA W QOL D ALAHA TA YALEH

**Marya merë, "La kshoqënnukh w la ktorën
bgawukh."**

Ebrayë (13:5)



**Bëd mshadër l malakhë
diyeh w bëd paqëdh ëllay
d naçrilukh b kullay
'urkhathukh.**

Mazmora 91:11

**Nasha lebë d shaqëllay
mën idha d Babi.**

Yohannan 10:29

**Ana bëd hawën ëmmokhun kullay yumatha
wël khlašta d !alma.**

Mattay 28:20

**La zadët mën mëndanë d zilët m!adhbët
mënnay. Hwi amin wël mothä, w ana bëd
hewënnukh klila d khayë.**

Gelyana 2:10

**Ham ën hawën b khëshka, Marya bë gyaneh
bëd hawë behra tali.**

Mikha 7:8

Qri l gebi w ana bëd mjobënnukh.

Eramya 33:3

ISHO! ZILË ATHË GAHA KHËRTA

Kullay nashë bëd qemi mën benath mithë.

Ila bëqrawa !ëddana iman kul anay d ilay dmikhë b qorathay bëd sham'ilë qaleh w bëd qemi: ani dë 'wëdhlay tawatha bëd qemi lë qyamta d khayë, w ani dë 'wëdhlay bishatha lë qyamta d dina.

Yohannan 5:28,29

Ani d ilay mithë bë Mshiha bëd qemi qamayë.

Egaha ani d ilay bikhayë bëd asqi l 'el ëmmëd mhuyëmnë khënnë w ëmmëd Maran b 'ewë dë shmayya, w hadakh bëd peshukh ëmmëd Marya wël abad.

1 Saloniqayë 4:17

Hwo shyar w mşalo, med la kidhotun iman bëd hoy a !ëddana.

Marqus 13:33

DËKH BËD ATHË ISHO!?



**Ha, ilë bithaya èmmëd
'ewë, w kul 'ena bëd
khazyalë.** Gelyana 1:7

*Hwo shyar mën nyiwë
w mshihë dagalë*

**Ën kha amerokhu,
"Akha lë Mshiha,"
ya, "tama lë,"
la mhayëmnutun.**

**Ën amri ṭalokhun, "L barayë ilë!"
la palṭutu, ya, "Gawayë ilë!" la
mhayëmnutun ëllay.**

Mattay 24:23,26

ISHO! ZILË ATHË B 'EWË DË SHMAYYA.

**Dëkh dë kbarëq bërqa mën masqana w k-matë
behreh l magënyana, hadakh bëd hoy a ithetha
dë Brona d Nasha. Kullay shawṭë d ar'a bëd
khazay Brona d Nasha bithaya b 'ewë
dë shmayya b khela w shuhä raba.**

Mattay 24:27,30

Mazmora d marë'yana Ქawa (Maz. 23)

Marya kmar'eli, w l mëndi la ksanqën.
Kshawëqli d nekhën benath gëllë yaruqë.
Knobëlli l maya d nabu'ë hëdyë.
Kmanëkhla gyani w këmbasëmlay khayi.
Kmarkhëshli b 'urkhatha Ქawë d zaddiqutha
ta khatër shemmeh.

Ham ën rakhshën b ra'olë !amuqë
w tëllalë d mothä,

Mën bështa la kzad'ën, med iwët ëmmi.
Qatta w gupalla d shultanukh këmsaleli.
Kparsëtta sëfra w mekholta qami barqul
dëjmënë diyi.

Kmashhëttë reshi b mëshha.

Kmalëttë qatkhì wël d kshapëkh.

B akidutha ṭawathukh w rahmë diyukh
bëd haway ëmmi ëmmi
kullay yumatha d khayi,

W b betha d Marya bëd !amrën
w bëd sharën wël abad.

Lelë ta zabonë

3-23

2253/2 Chaldean WTG (Romanized)